

Suut maalaarutigisinnaavigit?

Peqqinnissaqarfimmi sulisunit passunneqarsimanikkut makku maalaarutigisinnaavatit: Misissortinneq, nappaatip suuneranik paasisaqarneq nappaammullu katsorsartinneq, erninermi ikiorteqarneq, paaqqutarinninneq, napparsimasunut ataasiakkaannut tunngatillugu pinaveersaartitsineq peqqissaaneq, suliaritinnisamat paasisutissinneqarneq akuersissuteqarnerlu, Nappaatipnalunaarsornera, peqqinnissaqarfimmi sulisut nipangiussisussaataaerit, nakorsamit allagar-taliussat.

Oqaloqateqarneq: Illit tusaaneqarnissannut periarfissat

Maalaaruteqannginninni nalileruk sumiiffimmi pisimasoq sulisut peqatigalugit eqqartoqqaarusunnerlugu. Pisinnaatitaaffigaat sulisunik imaluunniit najukkanni pisortaasoq nammineerlutit oqaloqateqarnikkut misigisimasatit saqqummiunnissaanut.

Tamanna amerlasuutigut pisimasup sukkasuumik piaartumillu nassuiarneqarnissaanut aqqutissaasinnaavoq. Sulisut suliamut qanoq isumaqarnertik paatsoqatigiissinnaanerillu pillugit saqqummiusisinnaassagunik nuannaarutigisussavaat.

Oqaloqatigiinneq amerlanertigut peqqinnissaqarfimmi sulisut ilinnik passussimasut peqatigalugit pisassaaq, taamaaliortoqarneratigullu passuneqarnerpit nammineerlutit qanoq misigisimanerlugu saqqummiunnissaanut periarfissaqassaatit. Imaassinnaavoq paasisimangisannut apeqqutissaqartutit. Aamma imaassinnaavoq sooq taamak iliorsimanerannut nassuiaanneqarnissamik pisari-aqartitsisutit.

Napparsimasunut amerlasuunut oqaloqateqarneq misigisimasamik iluaatsumik unititsisinnaavoq.

Oqaloqateqarnissamat akuersinguit imaangilaq maalaaruteqarnissannut naaggaartutit. Oqaloqateqarnerup kingorna maalaaruteqarnissat kissaatigigukku soorunamipisinnaatitaaffigaat. Kingusinnerusukkut maalaaruteqarsimaguit maalaarutip qanoq inernilerneqarnissaanut oqaloqateqarsimanagerit sunnuteqarnaviannilaq.

Kikkut maalaaruteqarsinnaappat?

Angajoqqaat meeqqatik 18-it inorlugit ukioqarpata meeqqat sinnerlugit

maalaaruteqarsinnaapput. Nakkutiginnittut inuk pineqartoq sinnerlugu maalaaruteqarsinnaapput.

Alla sinnerlugu maalaaruteqarniaruit pisinnaatitsissummik atsiorneqarsimasumik ilanngussisaatit. Tamannattaq peruserineqassaaq qanigisat pineqartillugit, soorlu angajoqqaat, meeqqat inersimasut, aappaasut inooqatigisalluunniit.

Meeraasut, aappaasut inooqatigisalluunniit ilaqaataasoq toqukkut qimagussimasoq sinnerlugu maalaaruteqarsinnaapput.

Maalaarut qanoq imaqaassava?

Maalaarutigisat suliarineqassappat paasisutissat makku pisariaqartinneqarput:

- Illit aqqit, najukkat inuullu normua
- Oqarasuaatip normua aamma/imaluunniit e-mail
- Suut maalaarutiginiarnerlugit nassuiaatit.
- Pisoq sumi qangalu pisimansoq

Sulisut maalaarfiginiakkavit aqqi atorfiilu eqqaamasinnaagukkit pisimasup qulaajarniarneranut iluaqutaassaaq.

Kukkusumik passunneqarsimaninnut maalaarutit peqatigalugu Taarsiiffigineqarnissamik qinnuteqarnerit tunniussinnaavat.

Maalaaruteqarnissamat ilitsersuummi annertunerusumik takusaqarsinnaavutit: *"Peqqinnissaqarfimmiit taarsiiffigitinnissamat ima qinnuteqassaatit".*

Sumut maalaaruteqarsinnaavunga?

Maalaarut uunga nassiutissavat:

Nunatsinni Nakorsaaneqarfik

Postbox 120, 3900 Nuuk

Telefon: 34 51 92 - Telefax 32 51 30

Mail: nun@nanoq.gl

Maalaaruteqarnissamat immersuiffissat www.naalakkersuisut.gl -imi takusinnaavat.

Tunniussinissamut suut killissat atuuppat?

Peqqissarfimmi sullinneqarneq pillugumaalaarutigineqartoq pisup maalaarutiginiakavit piffiani ilisimalikkavit imaluunniit ilimasassaraluavit ilisimalerneraniit kingusinnerpaamik ukiut marluk qaangiutsinnagit tunniunneqareersimassaaq. Passussisimanerup pereerneraniit ukiut tallimat kingusinnerpaamik qaangiutsinnagit maalaaruteqarsimassaatit.



Sullinneqarninni peqqissarneqarneq pillugu
imatut naammagittaalliuuteqarsinnaavutit

